

SCRIPT OF EVENING GOJRI NEWS BULLETIN 4 AUG 1700 HRS

ايونينگ گو جري نيو ز بليئن مو رخه 4 اگست 2025

يوه آکا شواني جموں ہے عبيدالرحمان تے نصرت چوہدری تیں خبر سُنو۔

HEADLINES

- ۱۔ پارلیمنٹ غا 2 واں ایوانان غی کاروانی خصوصی تے وسیع نظر ثانی گا تناظر مانہ اج حزب اختلاف غی تعرے بازی غے چلتیں ملتوی کردتی گئی۔
- ۲۔ لیفٹیننٹ گورنر منوج سنہا نے کہیو ہے کہ پائیدار زرعی پیداواروستے مضبوط تے جدید ترین تکنیکی ماحول غی ضرورت ہے۔
- ۳۔ وزیراعلیٰ عمر عبداللہ نے زرعی سائنس دانان تعلیمی عملہ تے طالب علماں غی تعریف کی تے کہیو کہ کسانان غے متعلق مزید تحقیق غی ضرورت ہے۔
- ۴۔ ضلع کشتواڑ غا بلاک مڑواہ نے نی تی آیوگ اعزاز حاصل کیو ہے۔
- ۵۔ انٹروسن ٹنڈول کر ٹرافی ٹیسٹ کرکٹ مقابلہ گا 5 واں ٹیسٹ میچ مانہ بھارت نے انگلینڈ غے خلاف شاندار جیت حاصل کی ہے۔

PARL ADJOURN

پارلیمنٹ غا 2 واں ایوانان غی کاروانی اج پورا دن وستے معرل کی گئی راجیہ سبھا غی کاروانی اج سویرے نوی دہلی مانہ جہاز کھنڈ مکت مورچہ غا سننیر لیڈر جہاز کھنڈ گا سابقہ وزیر اعلیٰ تے موجودہ ممبر پارلیمنٹ شیپو سورو غی وفات ور خراج عقیدت پیش کرن خاطر ملتوی کی گئی۔ لوک سبھا غے اندر وی حزب اختلاف نے بہار مانہ کی جان آلی خصوصی شدید نظر ثانی گا تناظر مانہ احتجاج کیو جس ور لوک سبھا غی کاروانی ملتوی کی گئی تہاڑی 2 بجے لوک سبھا غی کاروانی دوبارہ شروع کی گئی جس دوران حزب اختلاف پارٹیاں نے اپنی مانگ پوری کی جان گا حق مانہ نعرہ لایا تے کہیو کہ بہار مانہ ایس آئی آر ایکسپریز ور لوک سبھا مانہ بحث ہونی چاہیے۔

SKUAST J CONVOCATION

لیفٹیننٹ گورنر منوج سنہا تے جموں کشمیر گا وزیر اعلیٰ عمر عبداللہ نے اج جموں مانہ قائم شیر کشمیر یونیورسٹی برائے ذراعت سائنس تے ٹیکنالوجی غی 9 ویں کانووکیشن مانہ شرکت کی اپنا خطاب غے دوران ایل جی موصوف نے مضبوط تے جدید طرز غا تکنیکی ماحول مانہ ذراعت متعلق سرگرمیاں وستے ضروری قرار دتو تانجے کسانان غی آمدنی خدشات غی تخفیف تے کسان صنعت رابطاں مانہ مضبوط بنایو جاسکے۔ ایل جی موصوف نے کہیو کہ ذراعت شعبہ مانہ پیداوار غا بارا ت نئی تکنیکاں غا استعمال مانہ نازی شکتی اہم کردار کر رہی ہے موصوف نے مزید کہیو کہ ذراعت غا کئی زیلی شعباں مانہ خواتین سائنس دانان نے نمایاں کارکردگی انجام دتی ہیں۔ ذرائع ابلاغ سنگ گل کرتا واں ایل جی موصوف نے مزید اس طرح کہیو۔

CM SKUAST

وزیر اعلیٰ عمر عبداللہ نے وی اس کنووکیشن تقریب غا موقعور ذراعت متعلق سائنس دانان غا کردار غی تعریف کی موصوف نے سکاسٹ جموں گا تعلیمی عملہ تے طالب علماں غی

تعریف کی تے کساناں ور مرکوز تحقیق نانہ مزید فائدو مند بنان تے جموں کشمیر نانہ
خود انحصار بنان غو کہیو وزیر اعلیٰ عمر عبداللہ نے یونیورسٹی مانہ کنووکیشن غے
دوران دتی گئی گل 446 اسناد وچوں 252 ڈگری حاصل کرن ور مبارک باد پیش کی
یونیورسٹی مانہ دتا گیا 8 سونا غا تمغا وچوں 7 تمنغہ خواتین طلبا نے حاصل کیا اس تیں
علاوہ یونیورسٹی غی طرفوں دتا گیا 35 میرٹ سرٹفکیٹ وچوں 32 سرٹفکیٹ لڑکاں نے
حاصل کیا موصوف نے کہیو کہ یہ تمام کارکردگی اس گل نانہ واضع کرے کہ خواتین
زرعی تعلیم تے تحقیق غا شعبہ مانہ بہترین مثال قائم کر رہی ہیں۔

ITOO MANDI VISIT

پونچھ ضلع مانہ تعلیم تے صحت غا ٹھانچہ نانہ مضبوط بنان واسطے ایک اہم قدم غا
طورور وزیر صحت و طبی تعلیم سکینہ اتو نے گورنمنٹ ڈگری کالج منڈی غی بنیاد
رکھی۔ تقریب تیں خطاب کرتا واں وزیر موصوف نے کہیو کہ حکومت دور دراز تے پسماندہ
علاقاں مانہ اعلیٰ تعلیم توڑی رسائی نانہ بہتر بنان واسطے پُر عزم ہے۔ اس موقع ور
وزیر سکینہ اتو نے ضلعی اسپتال منڈی مانہ ڈایالسیز یونٹ غو افتتاح کیوجس تیں گردہ گا
مریضاں واسطے اہم طبی سہولیات بہتر ہو گئی ہیں۔ انہاں نے اُت نوا تعمیر شدہ او پی ڈی
بلاک غو وی افتتاح کیو۔ ذرائع ابلاغ سنگ گل کرتا واں وزیر سکینہ اتو نے اس طرح کہیو۔

GOJRI TRANSLATION WORKSHOP

گوجری ترجمہ نگاری ور سب تیں پہلی ورکشاپ گو اج ایس کے آئی سی سی سرینگر
مانہ قومی کتاب ٹرسٹ انڈیا گا چئیر مین پروفیسر میلینڈ سوداگر مارتھو نے افتتاح کیو
اس افتتاحی تقریب غے دوران این بی ٹی اندی اغا چیف ایڈیٹر تے جائینٹ ڈائریکٹر کمار
وکریم نے دسیو کہ این بی ٹی غی طرفوں گوجری ترجمہ نگاری ور یاہ پہلی ورکشاپ
ہے جس مانہ 3 روزہ تقریب غے دوران 2 زبانان مانہ کئی کتاباں گا ایڈیشن تیار کیا جئیں غا
اس ورکشاپ مانہ 15 ترجمہ نگار تے 2 ماہرین موجود رہیں غا تے اس اہم قدم نال گوجری
ادب گو دائرو مزید وسیع وے گو ت گوجری ادب نانہ پڑھن تے سمجھن آلاں غی تعداد
مانہ وی اضافو وے گو۔

SAMBA MANSAR ROAD

جموں کشمیر غے اندر بنیادی ڈھانچہ غی ترقی خاطر مرکزی سرکار نے سانہ مانسر
ادھمپور سڑک نانہ 4 لین غی شاہراہ بنان وستے منظوری دے دتی ہے مرکزی بجٹ مانہ
اس پروجیکٹ وستے 7418 کروڑ روپیاں گو اعلان کیو گیو ہے تاکہ علاقہ غے اندر سڑک
رابطاں نانہ مزید بہتر بنایو جاسکے۔ ریاسی جموں لوک سبھا ممبر پارلیمان جوگل کشور
شرما نے اس منظوری غی تصدیق کی تے کہیو کہ اس پروجیکٹ نال ضلع سانہ تیں ادھمپور
توڑی سفر کرن غو وقت کٹے غو ے علاقہ غے اندر تجارت سیاحت تے معاشی ترقی نانہ
بادو ملے غو اس سڑک رابطہ نال مقامی لوکاں تے عقیدت منداں نانہ مزیدی جگہاں ور
پُجن مانہ آسانی وے غی اس پروجیکٹ غی منظوری ور ایم پی جُگل کشور شرما تے
کئی مقامی افراد نے وزیر اعظم نریندر مودی تے سڑک ٹرانسپورٹ تے قومی شاہراں گا
مرکزی وزیر غو شکریو ادا کیو ہے اس اہم پروجیکٹ غی منظوری ور کُجھ مقامی افراد نے
اپنی خوشی غو اظہار کجھ اس طرح کیو۔

ASPIRATION BLOCK MARWAH

ضلع کشتواڑ گا مڈواہ بلاک نے عوامی معیار زندگی نانہ بہتر بنانے دیگر کئی زمراں مانہ بہترین کارکردگی پیش کرن ور نیتی آیوگ ایوارڈ حاصل کیوہے یاہ انعامی تقریب اج کشتواڑ گا چوگان میدان مانہ منعقد ہوئی تے اس تقریب غو افتتاح ویڈیو کانفرنسنگ غ ذریعے مرکزی وزیر مملکت ڈاکٹر جتندر سنگھ نے کیو اس تقریب مانہ حزب اختلاف لیڈر تے ایم ایل اے سونیل شرما ڈپٹی کمشنر کشتواڑ پنکج کمار شرما تیں علاوہ کئی دیگر افسران موجود تھا۔ بکھ بکھ سکولان گا کئی طالب علماں نے اس تقریب مانہ شرکت کی جنوری 2023 مانہ نیتی آیوگ غی طرفوں شروع کیا گیا اس اے ایس پی پروگرام غے تحت پورا ملک گا 5 سو بلاکاں مانہ معیار زندگی غی بہتری ور توجہ دتی گئی اس انعامی تقریب غا موقعہ ور بولتا واں ڈی سی کشتواڑ پنکج کمار شرما نے اس طرح کہیو۔

3RD LANGUAGE

بین اسکولی تیجی زبانان غا مقابلان مانہ ایک نجی تعلیمی ادارہ نے شہر غا تقریباً 19 اسکولان گا طالب علماں مانہ اکٹھا کیو تے علاقائی تے بین العوامی زبانان غا فروغ تے اسکولان غا اندر تیجی زبان غا طورور ڈوگری، سنسکرت، لاطینی اردو پنجابی نانہ متعارف کریا جان غی اہمیت ور تبادلہ خیال کیو گئو اس مقابلہ غے اندر سنسکرت زبان غے اندر ستورہ گیان اردو زبان مانہ غزل لاطینی مانہ نظم ڈوگری مانہ پکھ تے تحریک آزادی گا مجاہدین ور پنجابی مانہ تقریر مقابلہ منعقد کرایا گیا۔

ANNOUNCEMENT

علاقائی خیراں آلو شعوبو آکاشوانی جموں ایک خاص پروگرام پیش کر رہیوہے جس غو غا منسوخی تیں بعد یوہ A عنوان بے جموں کشمیر مانہ تبدیلی غا 6 سال دفعہ 35,370 اگست 2025 نانہ تہاڑی غا 12:30 منٹ ور نشر کیو جے گو۔ اس خصوصی a پروگرام پلکیں 5 نشریات مانہ معروف سماجی کارکن ت سابق بیروکریٹ کے بی جنیدال تے اعلیٰ صحافی پریس کلب جموں غا صدر اشونی کمار بطور مہمان شامل وین گا تے اس اہم موضوع ور اپنی رائے تے تجربات سانجہ کریں گا پروگرام غی میزبانی کریں گا مارا انکر وجے بجاج تے کونال شریوٹس سامعین اس پروگرام مانہ میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز تے ایف ایم 104.5 میگا ہٹز ور سن سکیں غا۔

CRICKET

بھارت نے انڈرسن ٹنڈول کر ثرافی کرکٹ گا 5 واں ٹسٹ مقابلہ گا آخری تہارا مانہ شانداد واپسی کرتا واں انگلینڈ نانہ 6 دوڑاں تیں شکست دتی اس تاریک جیت غے نال بھارت نے 5 مقابلان غی سیریز 2-2 تیں برابر کی انگلینڈ نیاپنی بلے بازی اُس وقت شروع کی جد اُن غا 6 کھلاڑی 339 دوڑاں ور اوٹ ہو چکا تھا۔ اُنہاں نانہ مقابلہ تے سیریز جیتن واسطے تے سیریز جیتن واسطے صرف 35 دوڑاں غی لوڑ تھی لیکن محمد سراج تے پرسید کرشنا نے زبردست بالنگ کی تے انگلینڈ نانہ باقی 367 دوڑاں ور برا دتو تے بھارت نانہ یادگار فتح دلوائی۔

SERICULTURE RAMBAN

ریشمی کیڑو پالن بارے محکمہ رام بن نے کساناں غا برسات غا موسم مانہہ جدید زرعی
تکنیکاں غی مدد تیں ریشم غی پیداوار مانہہ مدد فراہم کر رہیو ہے اس حوالہ تیں محکمہ
ریشم گا کیڑا گا گھراں مانہہ ہوا غی بدآمد ورفت تے درجہ حرارت نانہہ قابو مانہہ رکھنو
ضروری سمجھے خاص طورور باؤلٹانین نسل گا کیراں واسطے سیرو کلچر غی بدولت
رام بن مانہہ لوکاں نانہہ سال بھر روز گار مل رہیو ہے محکمہ لوکاں نانہہ توت غا باغاں
مانہہ پانی غی نکاسی غو صیح انتظام کرن غی اہمیت تیں وی آگاہ کر رہیو ہے تانجے پانی
جمع نہ وے تے جڑاں نانہہ نقصان نہ پُجے اس غے نال نال صفائی تے بیماریاں ور قابو
پان واسطے مناسب اقدامات غی وی ضرورت ور زور دتو اس بارے مزید معلومات فراہم کرتا
واں رام بن ضلع غا ریشمی کیڑا پالن بارے محکمہ غا افسر سنجے روبمیترا نے اس طرح
کہیو۔
